

2017 Boccalini

Dr Bischoff Vitus nimmt im Bistum Chur us Altersgründa bald dr Huat
Er frogt jetzt no, ob Gott ihm a Stell im Himmel offeriara tuat.
Do maint dr Liabgott, dass das im Himmel nit so lauft
Dr offni Platz döt doba het scho dr Seppli Blatter kauft.

D’Frau Leuthart dia hoffiart am China-Präsi Chi ChingPing
Was fūahrt denn dia im Schild, will sie in d’Feria nach Nanjing?
Nei sie will freia Handel triba mim ChingPing
Bi üs gits drum schu bald Capuns made In Peking.

Vegan sy dass isch trendy swüssans alli Mann.
Üs zwai tunkt; das isch a bitz a Wahn.
As git sogar a Vampir dä söll sy vegan,
Und haissa tuat är Graf von Rucola-n,
und uffam Grabstai stoht, igritzt in dunggels Glas:
Schon bald bin ich Kompost und beiss zum letzten Mal ins Gras!

Sie – miar sind do letschthin im Europapark go Bahna fahra.
Für d’Fahrta mit Euro-Mir und Silverschtar hend miar tüchtig müassa zahla.
Hüt kriagsch du das Vergnüaga günschtiger und elegant.
Für 2 Stutz 20-g schlots di im Stadtbuss umanand.

Alli Grossröt rüschtands us mit Tablets hei was das koschtat eieiei
Drum muass a jeda d’Schualbangg trugga, keina kriegt do frei.
Am End vum Grundkurs meldet sich vur BDP dr Grossrot Niggli –
Bi minara Tafla fählt a Schwämmli und a Kridastüggli.

Mit Easy-Jet flügsch uf Sardinia – hesch nit amol 2 Stund.
D’Kabinacrew isch fründlich, zum schimpfa hesch du überhaupt kai Grund.
Für z’gliche Geld – und das het üs fruschtriart
Hädsch z’Khur 2 Kaffee trugga und z’Auto kurz parkiart.

D’Martullo-Blocher fūahrt im Nationalrot für d’Ems-Chemie a grossi Röhra.
Dass miar Bündnar iahra egal sind isch nit z’überhöra.
Miar Boccalini wüssand , Hoor uf da Zäh liegt bi da Fraua in dr Natur.
Bir Magdalena isch’s so heftig – jeda Zah hed an eigani Frisur.

In letschter Ziit do tuat a huffa Negativs Schlagziila macha.
Der Traum Olympia wird versenkt, s’isch nit zum Lacha.
Schtürgschen für Firmä und Riichi das isch au verbi.
Positiv im letschta Jahr sind nu Dopingtescht vo da Russa gsih.

Präsident Trump übt sich als Selbstdarsteller;
Beschimpft die Presse und verwünscht sie in den Keller.
Er ist mit Rundumschlägen Tag und Nacht zugegen.
Verhält ein Wolf im Schweizerwald sich so, wird er zum Abschuss frei gegeben.

D'Miserabel sind sit hüür, nümma uf dr Rouute
Das Loch muasch schtopfa s'isch doch klar, alli müand sich schpuuta.
Chic et schi schi, parapluie, ma chérie est morte.
Merci c'est fini Seppli, ihre letzten Worte.

Dr Achmed got zu miar ins Dütsch, bi miar bsuacht er Italienisch
As stinkt ihm und er hetz kai Bock, d'Eltara kriagand a Zügnisschock.
Was sölls rüaft do dr Psycholog und haltet a grossa Monolog
wichtig sich doch hützutag, das jeda dr ander mag.

An vielna Feschter zahlsch als Depot für na Becher hüt 2 Stutz.
So gits kei Sauerei, miar tüand au öppis für da Umweltschutz.
Für üsari Zeedel müand miar eu hüt Obad drum 2 Frangga neh –
Und an dr Fasnacht 18 könnnd iahr sie üs denn wieder retour gäh.